

(ՆՅՏՐԱԳԻՐ Բ.)

46. Բան տաղաչափական գովեստի՝ ասացեալ դա-
զար վշտալի նուաստախոհ արեղայի եղբօր տիրացու
դազարի, ի վ՛ր լուսանկար գերահրաշ Տաճարին
5 Ամենագօր կենսատու Սբ՛յ Խաչին ք՛սի. փոքր ինչ
ի հեռուստ առեալ գսկիզբն:

Արշակունեաց՝ մեծ տ՛րուե՛՛ բարձման զկնի.
ըստ յայտնուե՛՛ տեսլեան վեհի՛՛ հովապետի:
Աշխարհս հայոց՝ դրախտ նորատունկ՝ գուարճալի.

10 ազգի ազգի՛՛ հրացայտ հողմով՝ տապախարշի:
Ասքանապեան՝ ազատ սերունդք՝ ծո՛յ կարգի.
տերանց խստաց՝ անողորմից՝ յամենայնի:
Հուծ չարաչար՝ ծո՛յուե՛՛ դառն աղէտի.
ի պարանոց՝ ազատ որդւոցս՝ եդեալ լինի:

15 Եւ այս հընոց՝ տոչորակէզ՝ բաբելոնի.

Երկայն ամաւ՝ խիստ բորբոքեալ բոց արձակի:

† Ասկայն զթաժ՝ տ՛ըն բարերար՝ մեզ ողորմի.

ըստ օրինակի՝ ժողովրդեանն՝ իսրայէլի:

Երբեմն երբեմն՝ դարձ գերուե՛՛ն՝ ըս մեր առնի.

20 հովիւ տալով՝ արեամբ իւրով՝ գնեալ հօտի:

46. Աթոռ եդեալ՝ ի շիրակվան՝ ք՛ղք անի.
ամբատ արքայն՝ անդ սուղ ինչ ամս՝ թագաւորի:
Որ էր ազգաւ՝ եբրայեցի՛՛ բազրատունի.

Թագդիր կարգեալ՝ իշխանուբ՛՛ դրան արքունի:

25 Ի նոյն ազգէ՛՛ գազիկ անուն՝ այր փառաւոր.

ի ճակատու՝ պատերազմի՛՛ քաջ գօրաւոր:

Պսակեալ թագիւ՝ ընդելուզեալ՝ մարգարտաւոր.

վասպուրական՝ մեծ գաւառին՝ իշխեալ բոլոր:

Զգունդ թշնամեաց՝ ասպատակաց՝ մեքենաւոր.

30 յերկրէս արար՝ հալածական՝ յոյժ հեռաւոր:

Գուն իսկ գործեաց՝ հոգւոյն ջանիւք՝ անչափաւոր.

յանբաւ տեղիս՝ շինուածս արար՝ զարմանաւոր: